

Սրապիոն ինչ որ կարողացաւ, վճարեց եւ փախաւ նրանց ձեռքից ու թաք կացաւ: Երբ Շահաբբաս եկաւ Երեւան, Սրապիոն կաթուղիկոսը շատ ընծաններով ներկայացաւ նորան, բայց Շահը, որ մտքում գրել էր Մելքիսէթին տալ կաթուղիկոսութիւնը, վատ ընդունելութիւն արաւ, ուստի Սրապիոն երկիւղ կրելով, փախաւ Զուղայ:

Վերջապէս իննամսեայ պաշարումից յետոյ՝ օսմանեան զօրքը ոչ մի կողմից օգնութեան յոյս չտեսնելով անձնատուր եղաւ, եւ Շահաբբաս տիրեց Երեւանին, եւ իսկոյն մունետիկների բերանով հրատարակեց, թէ այսուհետեւ Հայոց երկիրը Շահինն է: Այս բոլոր կռիւների եւ ասպատակութիւնների ժամանակ Շահաբբաս խիստ կերպով հետեւեալ քաղաքականութիւնն էր ի գործ դնում. այն բոլոր ժողովուրդը, թէ մահմետական, թէ քրիստոնեայ եւ թէ եւրոպացի, որ խաները քշել բերել էին Գանձակից, Արծկէից, Վանից, Մանազկերտից, Ալաշկերտից, Մաքուից, Կարսից, Էրզրումից եւ այլ տեղերից, նա ուղարկում էր Պարսկաստան եթէ ղարիբական, այսինքն եկաւոր էին, իսկ բնիկներին ծանր հարկերի ենթարկելով յետ էր դարձնում իրանց տեղերը:

Գժբախտ եւ անխոհեմ Գաւիթ եւ Մելքիսէթ կաթուղիկոսները շուտով գտան իրանց յանցանքի պատիժը. նրանք յորդորեցին Շահաբբասին գալ գրաւել Հայաստանն, եւ ձեռնառու եղան նրան այդ գործում, յուսալով աղա-